

閩中海錯䟽序

夫海物惟錯職貢齊州魴鱧之珍悉登周俎蓋自古記之矣不佞南海產也水族之繁多所厭屬載游晉安則閩中異味亦旣別其品彙而膾炙之顧彼此異同形質難於睹記未有列其名于毫素而肖其貌于丹青者四明屠田叔來叅鹺政司權之暇博采周詢於凡鱗介之登俎者彙爲一䟽而授剖劂間屬不佞序之不佞愧非茂先博物焉辨龍鮓鵬毛獨喜茲䟽草損益贊



文雋末有味一披閱而陸海之珍藏龍宮之怪  
異悉具掌中奚必從淵客問波臣而後識大海  
之所化生蠕動者乎雖然田叔博雅名家著述  
甚富它不具論若夏小正太常典錄皆闢國家  
大要而定古今得失不佞因叙此編而併及之  
庶好事者知田叔不獨海錯一疏已也

萬曆丙申仲春朔南海周裔先書于三山之正  
誼堂

閩中海錯疏卷上

四明屠本峻田未疏并按

晉安徐 焞興公補 疏

鹺大夫曰鱗介之品山海錯雜先王以是  
任土作貢貿遷有無乃立冬官川衡掌巡  
川澤之禁令而平其守辨其品物腥臊珍  
異以爲祭祀燕享奠其庶羞載腊燔炙以  
爲鼎俎饋遺所由來遠矣峻鹺丞也何預  
海錯第漢唐司農府隸於冬官山澤之禁

亦所當領作海錯疏

鱗部上

鯉

黃尾

大姑

金鯉

鱧

鯉類鯉也當脇正中一行自首至尾無大小皆三十六鱗鱗上皆有黑點文

按鯉能變化飛越山海死不反白魚之徒而神者也龍陽也長九九八十一鱗鯉陰也備六六三十六數魚躍龍門過而為龍惟鯉或然是以仙人乘龍亦或騎鯉

黃尾

似鯉而尾微黃食之微有土氣

大姑

似鯉而差小大鱗有脊骨無細鯉冬月子

肥味美生湖塘間四明謂之密姑

金鯉

色紅黃大姑生子為日所晒而成

鱧

文魚也一名烏鯉圓長而斑首有七點作北

斗象肉美膽甘無鱗夜則昂首北嚮嶺南謂之玄鱧。鱧魚毛詩注鮓也細鱗有黑花紋本草注云蠃蛇所變然亦有相生者諸魚中惟此魚

鱧甘可食

補疏

按鱧夜仰首比嚮有自然之禮制字从禮  
惟膽其制字从醴惟肉美古人所重惟首  
戴斗象道家指以為厭蓋天厭鴈地厭犬  
水厭鱧皆禁而不食夫鱧胎生還復自食  
其鯢梟食父鏡食母鱧便食子凡鱧一尾  
入人家池塘食小魚殆盡人每惡而逐之

鯽 金鯽 烏魚 金箍 棘鬚 赤鬚 方頭

**鯽**也似鯉體促腹大脊隆肉厚色白而微黑  
按酉陽雜俎云東南海中鯽魚長八尺食  
之宜暑而避風潯陽青林湖中大者亦二  
尺食之可止寒熱羅碩云此魚旅行吹沫  
如星以其相即也謂之鯽以其相附也謂  
之鯽

**金鯽**能變幻可畜盆中供玩閩人呼為盆魚  
似鯽而大尾鬣俱黑力能跋扈

**金梳魚**三尾色如珠砂盆魚中品之佳者 補疏

**棘鬚**似鯽而大其鬚如棘色紅紫嶺表異錄名

南嶺泉州謂之鬚鬚又名奇鬚

**赤鱗**似棘鬣而大鱗鬣皆淺紅色

宋志云棘鬣與赤鱗味豐在首首味豐在眼葱酒蒸之為珍味十月此魚得時正月以後則味拗不可食 補疏

**方頭**似棘鬣而頭方味美

通志云方頭似棘鬣而頭方或云方當作方言其頭為味芳香也 補疏

**烏頰**形與奇鬣相同二魚俱於隆冬大寒時取之然奇鬣之味在首

魴 鱠

**魴**青鰮也板身銳口縮項窄脊傳腹細鱗色青白而味美不減槎頭一名貼沙又名鰮魚

按魚貼沙而行魚之弱者也漢水中常以槎斷水用禁人捕謂之槎頭

**鰮**似鰮腦上凸起連背而圓身肉白而甚厚尾如燕子只一脊骨而無他鰮

**魴** 虎魴 鰮魴 劍魴 狗魴 烏頭 胡魴

黃魴 帽魴

虎魴頭目凹而身有虎文

鋸魴上唇長三四尺兩傍有齒如鋸

狗魴頭如狗

烏頭頰尾黑背大有百餘斤者淺在海沙不能  
去人割其肉潮至復去其皮用湯泡淨沙縷作  
膾鬻鬻泡去外皮存絲亦用作膾色晶瑩若銀  
絲

胡魴青色背上有沙大者長丈餘小者長三五  
尺鼻如鋸皮可縷爲膾鬻以爲脩可充物亦名

鋸魚

鮫魴似蛟而鼻長皮可飾劍靶俗呼錦紅

劍魴尾長似劍鬻養味佳

鱈魴頰尾皆黑

鱈魴初生隨母浮遊遇警從母口中入腹須  
臆復出

時魴有肉無腹大者剝其肉烹之多油可炙亦  
可燃

帽魴腮兩邊有皮如戴帽然又名雙髻魴頭中

木枋又名雙髻魴

**黃魴**好食百魚大者五六百斤

按魴之種類不一皮肉皆同惟頭稍異此外又有青魴淡魴夾魴諸種種而吹魴別是一種故列在下文鱗類魴故附

吹魴

鱗

**吹魴**大如指狹圓而長身有黑點嘗張口吹沙按吹沙小魚也味甚美故魚麗之詩稱焉羅碩曰非特吹沙亦止食沙大者不過二

斤江南小谿中每春沙至甚多土人珍之夏則隨水而下自是以後時亦有之然罕至矣來春復舉大抵正月輒至魚之最先者次則鯉至次則鱖至桃花水至而鱖肥則三月矣此魚生流水中非畜於人

**翅** **鱖**背有肉二片乾之名金絲鯿形味俱類沙魚

鱖

斗底鱖

黃蠟鱖

**鱖**板身口小項縮肥使而少鯁



鮓鮓之小者其形匾

斗底鮓鮓之小者其形圓

黃鱗鱗亦鮓也鱗金點而差厚

按魚以鮓名以其性善姪好與群魚為牝  
牡故味美有似乎媧制字从昌

鯨

鯨頭長而狹腹薄而腴多鯁脊如刀刃故謂之  
刀鯨

按鯨山海經云食之可以已妬與石首皆  
以三月八月出故江賦云鯨鯨順時而往  
還

鰕

鱸鱸

鰕巨口細鱗鬚鬣皆圓黃質黑章皮厚肉緊味  
美如鱸其斑文鮮明色著者為雄稍晦昧者為  
雌

按鰕音桂舊說仙人劉憑食石桂魚今之  
鰕魚是此魚所化猶有桂名漁人以索貫  
一雄置谿畔群雌皆來齧曳之不捨掣而

取之常得十數尾今福寧州呼為鱸魚羅  
碩曰凡牛羊之屬有肚故能嚼魚無肚不  
能嚼獨鰕魚有肚能嚼

**鱸**類鰕肉肥味厚而二腮

鮓鱸之別種也漳泉皆有之

按鱸江淮廣浙在在有之吳淞別有一種  
圓而短小巨口細鱗四腮松江呼為四腮

鱸

鱉

**鱉**形似鱸口潤肉粗腦腴骨脆而味美

按鱉身類鱸口類石首大者長丈許重百  
餘斤四明諺云寧可棄我三畝稻不可棄  
我鱉魚腦蓋言美在腦也

鮓 撥尾

鮓

草魚

鱧 紅鱧

烏鱈 黃鱈

**鱈**似烏魚而短身圓口小目赤鱗黑一名鱈味  
與鮓相似冬深脂膏滿腹至春漸瘦無味一名

鮓

鯪魚之小者○子魚以至子月肥極故云  
其子尤佳莆田縣東北五十里迎仙橋下潭所  
產極為珍味補疏

之  
鰮似鱸而目大似鯉而鱗粗能以鬣刺水蛇食

草魚似鮠身圓而長以其畜於池塘飼之以草  
鯪口小鱗細色白

紅鯪似鯪而色紅

按草鯪二魚俱來自江右土人以仲春取

子於江曰魚苗畜於小池稍長入葦塘曰

葦鱸可尺許徙之廣池飼以草九月乃取

鱸形似草魚頭與口差小而黑色食鱓

黃鱓鱗色黃俱出邵武

鯪 鱓 鱓 江鱓 黃炙

鯪板身扁首燕尾青春有白鱗大者長數尺肥腴

多鯪春末有之又一種春漲沂流而上月長一

寸至十月盈尺者佳

鯪似鯪而多鯪

按鮠，鮠其美在腴，鮠侈口圓脊多鱗，六者長三四尺，重七八斤，鮠狹口劍脊多鱗，大者長二三尺，重三四斤，鮠小口圓身少鱗，大者長五六尺，重二三十斤，泉志云鮠與鮠形相似，福志云鮠與鮠味相似，俱誤。

**鮠**如鮠而小，鱗青色，俗呼青鯽，又名青鱗。

按鮠，四明奉化縣有之，鱗脊俱青，故名青鯽。冬月味甘，腴春月魚首生蟲，漸瘦不堪食。

**江鮠**出洪塘江，三四月方有之，味美但小而多刺。補疏

**黃炙**似鮠而小，多鯁，細鱗，味不甚佳。

**石首**黃梅 鮠

**石首**鮠也，頭大尾小，無大小腦，中俱有兩小石，如玉，鮠可為膠，鱗黃璀璨可愛，一名金鱗，朱口厚肉極清爽，不作腥，閩中呼為黃瓜魚，薑煮不及四明。

**黃鮠**石首之短小者也，頭大尾細，朱口細鱗長。

五六十寸一名大頭魚亦名小黃瓜魚

按黃魚首有二白石如棋子醫家取以治石淋肉能養胃鰾能固精醃糟食之已酒病四明海上以四月小滿為頭水五月端午為二水六月初為三水其時生者名洋生魚其薨鮫也頭水者佳二水勝於三水八月出者名桂花石首臘月出者為雪亮其鱗魚出此時者名亦如之吳地志云石首魚至秋化為冠鳧今冠鳧頭中猶有石也

**鱗**形如石首而差大鱗細口紅

鱗土龍 鱗地龍 鱗狀鱗 鱗鱗 鱗缺亂

**鰾**似蛇無鱗黃質黑章體有涎沫生水岸泥窟中能雨水中上升夜則昂首北向一名泥猴

按鰾形既似蛇又夏月於淺水作窟如蛇冬蟄夏出故亦名蛇鰾今閩中之鰾肉澁而味不及吳中○漢書鶴雀啣三鱣鱣即鱣字或作鰾陶隱居謂荇苔根所化者又

以為人髮所化今腹中有子未必盡是化  
生 補疏

**土龍** 似鱓而小

**地龍** 似鱓而大多鯁脊中有一線血甚腥

**鰻** 似鱓而腹大有黃色有青色春生者毒產海中者相類而大土人名慈鰻又名獨狗魚○海鰻之大者百餘斤小者二三斤鱧鰻之大者亦有八十餘斤肥美無比產在鹹淡水之介 補疏

按輿化志云鰻肉滑鱓肉澁鰻脊骨圓鱓脊骨方埤雅云焚鰻骨可辟蠹魚有雌無雄以影浸鱧而生子趙辟公雜說曰凡以眊抱者鵠鵠雀也以影抱者龜鼈龜也 有鰻鱧者以影漫于鱧魚則其子皆附鱧之鬚鬣而生故謂之漫鱧也鰻鱧善攻碯岸便輒圯

**狀鰻** 生江水中頭似鰻而身似鱓味美多油中惟脊骨旁無他刺 補疏

**鱓** 似鰻目中赤色一道橫貫瞳食螺蚌好獨行

按鱒好獨行制字从尊鱒讀如蹲詩九戩之魚鱒魴以魚美而稱之亦有兩三尾同行者

**鱒** 一名鱒偃額兩目上陳頭大尾小口方背青黑無鱗多涎

**缺魴** 似鮎而小邊有刺能螫人其聲缺魴本草名黃頰至能醒酒缺音干方切

按缺魴四明謂之缺頰有三刺一生背上二生兩腮其刺取以發痘如神一說鮎亦

產鰻蓋乳子三分之二為鮎魚其一鰻也  
**海鱒** 泥鱒 鮎魚 田鱒

**海鱒** 最巨能吞舟日中閃鬚鬣若簸朱旗

按海鱒噴沫飛洒成雨其來也移若山嶽乍出乍沒舟人相值必鳴金鼓以怖之布米以厭之鱒攸然而逝否則鮮不罹害間有楚沙上者土人梯而鬻之剝其脂為油船船甚佳

**鱒** 似鱒而短首尖而銳色黃無鱗以涎自染難

握

按鱠好與魚為牝牡制字从魚从首蓋鱣  
乃佳

**泥鱣**產水田中大如指夏月最多

**鮫魚**似鱣小大錯生吐涎最多 補疏

**田鱣**似鮫而大鮮食味腥薨乾味美 補疏

比目 鮫魚

**比目**狀如牛脾鱗細紫黑色一眼須兩魚相合

乃行

按比目閩廣謂之鞋底魚南粵謂之板魚  
又謂之箬葉

**鮫鮫**形扁而薄邵武名鞋底魚又名潔沙

按潔音撻魚在江中行潔潔也左目明右  
目晦昧今閩廣以此魚名比目蓋比目只  
一目必兩魚相合乃行而此魚獨行殊非  
比目也四明謂之江箬以形如箬故名又  
謂之箬潔以其行潔潔故名

過臘



**過臘頭**類鯽身類鰕又類鯉魚肉微紅味美尾端有肉口中有牙如鋸好食蚌蚌以臘來春去故名過臘

按過臘四明謂之銅盆又名郭磚四時有之好入人家田中食蚌蚌入口殼輒碎亦猶鳧食螺雞食蜈蚣氣之制也

閩中海錯疏卷中

四明屠本峻田未疏并按

晉安徐 焞與公補 疏

鱗部下

烏鰂

柔魚

墨斗

猴染



一名墨魚大者名花枝形如鞋囊肉白皮

斑無鱗八足前有二鬚極長集足在口緣喙在腹腹中血及膽正里背上有骨潔白厚三四分形如布梭輕虛如漏草可刻鏤以指剔之如粉

名海鰓鮪醫家取以入藥古稱是海若仙學小吏一名河泊從事

按鰓遇風波即以二帶捉石浮身水上見人及大魚輒吐墨方數尺以混其身人反以是得之其墨能已心痛小魚蝦過其前輒吐墨涎致之性嗜烏每暴水上烏見以為死便往啄之乃卷而食之月令九月寒鳥入水化為烏鰓唐韻所載羅頌云此魚乃鷄鳥所化蓋水鳥之似鷄者今其口足并目尚存形似且以背上之骨驗之晒乾者閩

浙謂之明府

似烏鰓而長色紫一名鎖管

按柔有骨如三層紙厚曰而差紉云無骨非也但鰓作腥柔不作腥而味佳

似鎖管而小亦能吐墨補疏

比墨斗稍大比鎖管稍小補疏

馬鮫嘉酥魚 鰓

青斑色無鱗有齒又名章鮫連江志謂之

章胡

按閩志稱鯧魚肉理細嫩而其馬鮫肉稍  
澁氣腥而不及鮠此說非也蓋鯧細口扁  
身而團無鱗無膀馬鮫銳口圓身而長無  
鱗有腸

嘉祿魚海中魚之極大者重千斤琉球人以其  
脊為酥販鬻閩中

鯧似馬鮫而小有鱗者僅三四寸

訓鮠

黃雀

青鮫

訓鮠板身多鯁而肥美爾雅謂之當鮫

黃雀似鮠而小冬月取盛

青鮫類黃雀而不甚大

帶魚 帶柳

帶身薄而長其形如帶銳口尖尾只一脊骨而  
無鯁無鱗入夜爛然有光大者長五六尺

帶柳帶之小者也味差不及帶

按帶冬月取盛一釣則群帶嚙尾而升故  
市者獨多或言帶無尾者非也蓋為群帶

相齧而尾脫也

鱒魚 石拒 章舉 塗婆

腹圓口在腹下多足足長環聚口傍紫色足上皆有圓文凸起腹內有黃褐色質如卵黃有黑如烏鱗墨有白粒如大麥味皆美明州謂之望潮

按鱒有腹無頭而俗以腹為頭非也有名同而質異者廣南有鱒亦名望潮他日廣浙相傳慎勿以此物誤彼物也

石拒似鱒而極大居石穴中人或取之能以足粘石拒人

章舉紅舉也似石拒而大

塗婆章舉也似石拒而足短

按明州所產章舉大有至五六斤者與鱒魚性俱寒不可多食能發宿疾

鯢

鯢也一名胡夷一名鯢鮐一名河豚狀如科斗腹下白背上青有黃文眼能開閉頭無腮腹

無膽觸物輒噴腹張如鞞浮於水上味至美然  
有毒能殺人

按鯢無腮無膽故肝取毒肝血及子入口  
爛舌入腹爛腸以其味美吳浙喜食之今  
烹者必覆蓋蒙密忌食煤落其中雜以荻  
芽或橄欖煮之方可食予在兩淮食河豚  
而隸卒取其子去製以市人皮肚潔白俗  
名西施乳

### 水母

**水母**一名鮑一名鮚海中浮漚所結也色正白  
濛濛如沫又如凝血縱廣數尺有知識無腹臟  
無頭目處所不知避人隨其東西以蝦爲目無  
蝦則浮沉不常蝦憑之其汎水如飛蝦見人驚  
去鮑亦隨之而沒潮退蝦棄之於陸故爲人所  
獲○本草謂水母爲樗蒲魚北戶錄謂水母爲  
蚌一名石鏡南人治而食之性熱偏療河魚疾  
也補疏

按物類相感志云水母大者如床小者如

斗明州謂之蝦鮓其紅者名海蜇其白者名白皮子皮切作縷名水母線嶺表異錄云淡紫色大者如覆帽小者如碗腹下有物如懸絮

魚 鮓 鮓 水蓋 斑車 黃貂

**黑魴**形如團扇口在腹下無鱗軟骨紫黑色尾長於身能螫人○此魚頭圓禿如燕身圓扁如簸尾圓長如牛尾其尾極毒能螫人有中之者日夜號呼不止以其首似燕名燕魴魚以其尾似牛尾故又名牛尾魚其味美在肝俗呼魴魚補疏

**鮓**背厚尾長有蜈大者二三百斤

**水蓋**背差薄於鮓刺之多水

**斑車**背上有斑肉粗而味腴大者三四百斤其腹中有肚味更佳

**黃貂**似燕而嘴尖土人薨以為鮓偽作燕

按魴其種不一而骨肉同諸魴以黃貂為

第一

彈塗

白頰

塗虱

**彈塗**大如拇指鬚鬣青斑色生泥穴中夜則駢首朝北一名跳魚海物異名記云登物捷若猴然故名泥猴

**白頰**似跳魚而頰白

**塗虱**生於泥中如虱故名一呼塗虱有刺彈人一名彈瑟田塍潭底往往有之一名田瑟

鯀魚 白鰾

**鯀**長七八寸骨柔無鱗類錢之半有五色文

**白鰾**形圓薄類錢一名金錢鰾

丁斑

魴鯢

溪斑

重唇

疊甲

**丁斑**大如指長二三寸身有花文紅綠相間尾鮮紅有黃點善鬪人家盆中畜之一名鬪魚養成半載尾上起鬚長寸許

**魴鯢**大如拇指有五色

**溪斑**黃質黑斑身圓鱗細大者長五六寸

**重唇**頭大尾小無鱗長三寸許生石穴中



晉甲身圓長四五寸鱗有兩重無味

銀魚

麩條

漿魚

白沫

銀魚口尖身銳瑩白如銀條

麩條似銀魚而極大一名白飯魚

漿似麩條而嘴小

白沫梅雨時海水凝沫而成形雪色無骨其大如筋薨之味厚名丁香魷

魷魚

錢串

魷狀似魷其喙如針

錢串身長而小嘴長五六寸青色亦名青針

海燕

飛魚

海燕形如飛燕有肉翅能奮飛海上

魚頭大尾小有肉翅一躍十餘丈

白魚

黃魚

魷

竹魚

大面

中 白魚板身色白頭昂多細鯁大者六七尺生江

黃魚身扁薄而多鯁色黃

魷頭微而小扁

竹魚身甚薄

大面板身濶二三寸尾無鱗

鏡魚 圓眼

鏡魚眼圓如鏡水上翻轉如車亦名翻車魚

圓眼口尖眼圓而赤

黃三 黃鱮 要魚 金鮐

寸金

黃三鱗細黃赤色

黃鱮鬣黃色

要魚厥狀纖細名黃絲要

金鮐尾脊有細鱗金色

寸金長寸許黃色出寧德縣七都

火魚 緋魚

火魚隨潮蔽江結陣而來故名

按興化志不載魚形色但云結陣而來則  
火字當作夥

緋魚色如緋○宋志云緋魚色如緋今海上有  
一種紅桃魚全緋又一種新婦魚近緋二者不

知何指 補疏

白刀 鱧 鱮 白澤

**白刀** 白鱗形似刀生江河間

**鱧** 身長鱗白

**鱮** 大者長五六寸白質黑章味美少鯁

**白澤** 海物異名記云群生隨波潮縮在澤

鯖 鱈 鱠

**鯖** 背青身長一名青魚

**鱈** 雌生郊雄吞之成魚青色無鱗一名松魚

**鱠** 色微黑一名鯢

楓葉 琵琶 鹿角

**楓葉** 海物異名記云海樹霜葉風飄浪翻腐若

螢化厥質為魚

**琵琶** 身扁狀似琵琶無鱗生南越者長二丈述

異記云海魚千歲為劍魚

**鹿角** 海物異名記曰芒角持戴在鼻小者醃為

鮓味佳大者長五六寸其皮可以角錯

抱石 石伏

抱石出於山溪背偃而腹平大如指常貼於石  
上土人取以為腊

石伏伏於溪下

鮫魚 土鱉

鮫無皮鱗嶺南呼為綿魚

土鱉形如蚯蚓

蠱鮐 鮐 蠱魚

蠱鮐尾有腥多穴于田塍或泥岸中

鮐一名蚌魚味不佳

殼細如米粒可鮓長樂所產春月最多即魚苗

之大者土人名舜思魚

鯪魚 閩潮

鯪魚海產其類甚衆皆可食

閩潮乘波霧集

蝦 蝦魁 蝦姑 白蝦 草蝦 海蝦  
蘆蝦 稻蝦 對蝦 赤尾 塗苗

金鈎子 海蜈蚣

蝦魁嶺表異錄云前兩脚大如人指長尺餘上

有芒刺鈎硬手不可觸腦殼微有錯身變環亦

長尺餘熟之鮮紅色一名蝦盃俗呼龍蝦

按閩部疏云海味重於天下者稱西施舌  
江兆柱泉漳間皆有之而苦不稱美其它  
鱗介殊狀異態多不可名而取奇者龍蝦  
置盤中猶踴動長可一尺許其鬚四繚長  
半其身目睛凸出上隱起二角負介昂藏  
體似小龍尾後吐紅子色奪榴花真奇種  
也

**蝦姑**形如蜈蚣能食諸蝦

**白蝦**生江浦中郡城南有白蝦浦

**草蝦**頭大身促前兩足大而長生池澤中

**梅蝦**梅雨時出洲渚間

**蘆蝦**是蘆葦所變味其美鮮之尤妙國初曾進

貢

**稻蝦**是稻花所變

**蟹蝦**土人腊之兩兩對挿以寄遠

**赤尾蝦**之小者即天津之滷蝦

**塗苗海物**異名記謂之醬蝦細如針芒海濱人

鹹以爲醬不及南通州出長樂港尾者佳梅花所者不中

**金銀子** 小於赤尾晒乾淡者佳

**海蝦** 狀類蝦姑產興化海中土人取之切以爲膾食 柿疏

按蝦其種不一而肉味同諸蝦以蝦魁爲第一此外又有涼蝦等不能盡錄

**鮫鯉**

**鮫鯉** 一名穿山甲似鯉而有四足鱗甲堅厚常

吐舌出涎須螻蛄滿其上乃卷而食之

**蝦蟆**

蟾蜍

大約

雨蛤

**石鱗**

**蝦蟆** 大如拇指微黃腹白生草澤間其鳴呶呶

**蟾蜍** 皮皺色黑頭腹大而脚細好居墻陰下

**天鵝** 青背黃脊一路微黑腹平而色黃褐嘴尖

當項兩傍有白圈

**雨蛤** 一名雨鬼形如蝦蟆大如小拇指天將雨則鳴

按自蝦蟆至石鱗凡五種皆陸產而蟾蜍  
絕壽有至千歲者五月五日得之謂之辟  
兵古稱月中有蟾蜍也石鱗神物閩人珍  
以爲上品故別論

**石鱗**生高山深澗中皮斑肉白味美晝伏宵中  
夜居山頭石頂取高處捕者不可預相告語密  
以黃曆首一葉納諸竈中即抱松明措火而去  
緣崖拔石以火照之見火輒醉不動十不脫一  
閩人飲饌以此爲佳品俗名石鱗魚又曰谷凍

按石鱗似水雞而巨肉嫩骨粗而脆水雞  
似石鱗而小肉粗骨細而軟望火投明此  
類性之常也而云見火輒醉不動非也往  
予聞閩人言石鱗靈物人往捕執炬出門  
禁毋相告至彼可獲否則俱匿矣炬至鱗  
群坐石上觀火不動以是盡得之何獨靈  
於聞聲而昧於觀火耶

水雞

尖嘴蛤

青約

青鯽

黃鯽

水雞似石鱗而小色黃皮皺頭大嘴短其鳴甚壯如在甕中

尖嘴蛤背黃脊一路微黑腹大聲微白色似水雞而小

青約身青嘴尖脊一路微黑腹細而白

青鯽一名蛙

黃鯽類水雞

按自水雞至黃鯽凡五種皆水產而水雞可食味不及石鱗黃鯽可食味不及水雞

閩人惟食石鱗水雞而黃鯽等種則皆不食之也







國家圖書館, NATIONAL CENTRAL LIBRARY, TAIWAN, R.O.C.

國家圖書館

國家圖書館

國家圖書館

閩中海錯疏卷下

四明屠本峻田未疏并按

晉安徐 焞興公補 疏

介部

龜

龜外骨內肉腸屬於首廣肩背微圻如皺其文應八卦脇肋有文應二十四氣無雄與蛇為牝牡外生不咽粟善藏久能行氣水陸皆之

按龜與蛇合故曰玄武羅碩云靈龜文五

色似玉似金背陰向陽上隆象天下平象  
地繁衍象山四趾轉運應四時文著象二  
十八宿蛇頭龍翅左精象日右精象月千  
歲之化下氣上通能知存亡吉凶之變千  
年之龜游於苓葉之上苓今甘草也葉圓  
小而有刺言龜久而神靈能變形大小也  
今人見小龜以爲千歲非也逸禮云龜三  
千歲游於卷荷之上化書曰牝牡之道龜  
龜相顧神交也鶴鶴相唳氣交也言龜雖  
與蛇合亦與神交崔豹古今注曰龜一名  
黑衣督郵

鱉

**鱉**一名團魚一名脚魚郊生形圓穹脊連脇四  
周有翬外肉內骨而以眼聽行蹢躅以蛇爲雄  
頸中有軟骨與鱉相似名曰醜食時當剔去之  
不可與莧同食

按鱉隨日光所轉朝首東嚮夕首西嚮鱉  
之所在上有浮沫謂之鱉津捕者以是得

之與龜皆隔津望郊而生故曰龜思鱉望  
養魚經曰魚滿三百六十則蛟龍將魚飛  
去納鱉則不復去故曰神守

鱉毛鱉

金錢鱉

石鹽

蟛蜞

海鱉

金鱉

虎鱉

鱉

千人擘

**鱉**八跪二螯堅殼其行郭索八足折而容俯故  
謂之跪兩螯倨而容仰故謂之螯制字从解以  
隨潮解甲也殼上多作十二點深胭脂色亦猶  
鯉之三十六鱗月盛腹中肉虛月衰腹中肉滿

臍尖者牡團者牝

**毛鱉**青黑色螯足皆有毛

**金錢鱉**形如大錢中黃最飽酒之味佳

補疏

**石鹽**狀如蟛蜞而長不及寸廣僅半之士人治  
以薦酒殼堅味鹹寒醫家取以治目青

**蟛蜞**似石鱉而小微黃色左螯大而無毛其行  
斜傍

**鱉**似蟛蜞而大右螯小而赤生溝渠中

**虎獅**形似虎頭有紅赤斑點螯扁與爪皆有毛

**架步**一名擁劍橫行螯大小不一以大者鬪小者食一名執火以其螯赤也一名揭哺子

**海螵蛸**蚌也長尺餘殼圓色青兩螯至強能與**虎鬪**

**金螵**色黃

**虎螵**文有虎斑

**蘆禽**形似螳越生海畔補疏

**塗蛸**俗呼塗蜺產長樂補疏

按閩部疏云螵之別種曰螵蛸吾地名黃

甲此名海螵特多此種而螵乃為異狀不中食此又一種非真螵也獨興化數里河中有螵形味似貝中而土人不之重豈日厭海錯不能別味耶

**蠟**似螵而大殼兩傍尖出而多黃螯有稜鋸利截物如剪故曰蠟折其螯隨復更生故曰龍易骨蛇易皮鹿麋易角螵易螯二三月應候而至膏滿殼子滿臍過是則味不及矣

**千人擘**狀如蝦姑殼堅硬人盡力擘之不開海

物異名記云千人擘聚刺獮殼擘不能開酉陽雜俎謂之千人捰

**蚌** 珠蚌 絲蚌

**蚌殼** 厚有稜狀如屋上瓦 隴肉紫色大或專車殼可為器

**珠蚌** 蚌之極細者形如蓮子而扁

按四明蚌有二種一種人家水田中種而生者一種海塗中不種而生者曰野蚌殼 緇色而大肉細醫書取殼入藥名瓦隴子

**絲蚌殼** 上有文如絲色微黑比珠蚌稍大產長

樂縣

<b>蛤蜊</b>	赤蛤	海紅	蚌蛸	蚌蛤
	紅栗	文蛤	海蛤	沙虱
	土銚	白蛤	車螯	螯白

**蛤蜊殼** 白厚而圓肉如車螯○蛤蜊止消渴開

胃氣解酒毒以蘿蔔煮之其柱易脫 補疏

**赤蛤殼** 上有花文赤色

**海紅** 形類赤蛤而大

**蚌蛸** 形似蛤蜊而白合口處色黑俗呼為懶績

麻

**蜚蜋**似蛤蜊

**沙蛤**土匙也產吳航似蛤蜊而長大有舌白色  
名西施舌味佳

按閩部疏云海錯出東四郡者以西施舌  
為第一蠣房次之西施舌本名卓蛤以美  
見謚出長樂灣中

**紅栗**似蛤而小色白而微紅

**文蛤**殼有文理唐時嘗充土貢亦名補疏

**海蛤**其殼久為風濤所洗自然圓淨補疏

**沙虱**似蜚蜋而殼差薄

**紅綠**似蛤而小味美

**土鈿**一名沙屑殼薄而綠色有尾而白色味佳

**白蛤**一名空象泉人呼為江大似蛤而小殼薄  
色白又名泥星

按蛤其種不一而味皆同南海志云蛤一  
月生一暈南越志云凡蛤之屬開口聞雷  
鳴則不復閉

車螯陳藏器云大蛤也殼有花文肉白色大者如碟小者如拳

**螯白車螯**之最小者也

按閩部疏云陶方伯嘗言閩中海錯蚌不四明蛤不揚州蠃不三吳余大以爲然蚌大而不種故不佳蛤乃車螯非蛤蚶也

**蠃房**

草鞋蠃黃蠃

**蠃房**一名牡礪出海島麗石而生其殼硯礪相粘如房嶺表異錄謂之蠃山地無石灰者燒蠃

殼爲之

**草鞋蠃**生海中大如盃魚者以繩繫腰入水取

之

**黃蠃**五六月有之大於蠃房數倍味雖不如蠃房而汁亦適口但牡蠃可爲醬此不堪醃耳補疏

**殼菜**

沙箭

鳥蛤

江珧柱

**殼菜**一名淡菜一名海夫人生海石上以苔爲根殼長而堅硬紫色味最珍生四明者肉大而肥閩中者肉瘦其乾者閩人呼曰幹四明呼爲



乾肉○殼菜形似珠母一頭尖中銜少毛號東海夫人本草云形雖不典而甚益人補疏

**沙箭**淡菜之小者

**烏蜃**似淡菜而極小中無毛

**烏投**味其似烏蜃而殼堅中有毛

按殼菜生四明者殼黑而厚形如斧頭形醜而味美本草云海中有物其形如牝紅者補血白者補腎今閩中取以煮湯治痢疾

**江珧柱**

一名馬甲柱海物異名記云厥甲美如瑤玉肉柱膚寸名江珧柱

按江珧殼色如淡菜上銳下平大者長尺許肉白而紉柱圓而脆沙蛤之美在舌江珧之美在柱四明奉化縣者佳

蚌

蛤青

蜆翠翠

**蚌**也肉如蛤蜊殼厚而長腹中有蠃子如榆莢合體共生時出取食復入殼中一名瓊蚌生於曲岸中故曰蚌

**蛤青**似蚌而殼薄青色

**蜆**似蚌而小色黃殼薄○俗謂之蜆有黃蜆土蜆之別大江者可食他小浦中有之有土氣不堪用 補疏

**似蚌而殼翠**

海月

石華

石帆

沙筋

**海月**形圓如月亦謂之蠟鏡土人多磨蠟其殼使之通明鱗次以蓋天窓本草云水沫所化煮時猶化爲水嶺南謂之海鏡又曰明瓦

按海月嶺表錄異云廣人呼爲膏葉兩片合以成形殼圓中甚瑩滑白照如雲母光內有小肉如蚌蛤腹中有蠟子甚小頭黃而螯足具備海鏡饑則蠟出拾食蠟飽腹滿海鏡亦飽或近之以火則蠟子走出離腸腹立斃或生剖之有蠟子活在腹中逡巡亦斃

**石華**附石而生方言謂之石蠹肉如蠟房殼如牡蠣而大可飾戶牖天窓

按謝靈運詩云桂席拾海月揚帆採石華  
其味與海月俱同蠟房

**石斫**紫黑色枝柯相動連帶不絕生海上石穴  
中

**沙筍**長尺餘其狀如簪故又名塗釵嶺表錄異  
云生海岸沙中春時吐苗其心苦骨白而勁可  
為酒壽

**泥筍**沙蚕 土鑽

**泥筍**其形如筍而生江中形醜味甘一名土

筍

**沙蚕**似土筍而長

**土鑽**似沙蚕而長

**龜脚**蠍 老蚌牙 石磷

**龜脚**一名石蚶生石上如人指甲連支帶肉一  
名仙人掌一名佛手蚶春夏生苗如海藻亦有  
花生四明者肥美

按石蚶生海中石上如蠟房之附石也形  
如龜脚故名近甲處有軟爪黑色肉白味

佳秋生冬盛來年正月得春雨軟爪開花  
如絲散在甲外郭璞江賦所稱石蚶應節  
而揚葩是也

**蠃**生海中附石殼如麈蹄殼在上肉在下大者  
如雀卵

**老蟻**似蟻而味厚一名牛蹄以形似之

**石磔**形如箬笠殼在上肉在下

石决明 海膽 石槥 寄生

**石决明**附石而生惟一殼無對大者如手小者

如兩三指旁有十數孔一說即鰻魚本草圖經  
云鰻魚別是一種與决明相近○石决明俗名  
將軍帽温州與登州海中俱有之即名鰻魚温  
人醃用登人淡晒乾串入京餽遺 補監

按閩部疏云蠣房雖介屬附石乃生得潮  
而活凡海濱無石山溪無潮處皆不生余  
過莆迎仙寨橋時潮方落兒童群下皆就  
石間剔取肉去殼連石不可動或留之仍  
能生其生半與石俱情在有無之間殆非

蛤蜊比也後漢書鰓魚註云鰓無鱗有殼一面附石細孔雜雜或七或九即以狀蠣房何所不可南蠣比鰓是故造化介生別構

**海膽**殼圓如盂外結密刺內有膏黃色土人以爲醬

按海膽四明謂之海績筐海濱人取殼磨粉合米醬中其膏入鹽按酒亦名曰醬

**石榼**形圓色黃肉紫有刺人觸之則刺動搖

**寄生海**上枯蠟殼存者寄生其中負殼而走形如蠟四足兩螯大如榆莢其味若蝦得之者不煩剔取曳之即出以肉不附也炒食味亦脆美

蠶竹蠶 玉筋蠶

**蠶**生海泥中大如指長三寸許肉白殼薄兩頭

稍開

**似蠶**而長大殼厚

**玉筋蠶**似蠶而小三月麥熟時最盛以其形如

麥稿又名麥稿蠶

鯮

鯮形圓如熨斗如便面如惠文冠廣尺許有刺頭如蟋蟀而骨眼眼在背上背青黑色而穿其血蔚藍熟之純白而肉甚其美當脊一行兩旁亦刺殼覆身上腹下十二足長五六寸環口而生尾銳而長觸之能刺斷而置地其行郭索雌嘗負雄捕得其雄雌亦就斃雄少肉雌多子子如綠豆大而黃色布滿骨骼中東浙閩廣人重之以爲酢謂之鯮子醬殼可屈爲杓棘金輒盡

尾可爲如意○鯮魚口足皆在覆斗之下海中每雌負雄漁必雙得之以竹編爲一甲鬻焉本草云牝牡相隨牝者背上有目牡者無目牡得牝始行牝去牡死其尾燒烟可辟蚊蚋韓退之詩鯮實如惠文骨眼相附行補疏

按便面古扇婦人取以障面者惠文秦漢以來武冠侍中中常侍則加金璫貂蟬之飾謂之趙惠文冠蓋狀鯮形也鯮產子時先往石邊周身擦之鏽裂而生雌嘗負雄

故獲必得雙其相負乘也雖風濤終不解  
謂之鸞媚過海輒相負於背高尺餘乘風  
游行如帆謂之鸞帆其衆如渾棧謂之鸞  
渾其善候風故音如候也埤雅云鸞性畏  
蚊蚊小螫之輒斃未知其故又暴之日往  
往無恙隙光射之即死嶺表異錄云雄小  
雌大置之水中雄者浮雌者沉

螺香螺 鈿螺 紫背 鸚鵡 泥螺 朱螺

**香螺** 大如甌長數寸其拊雜衆香燒之使益芳  
獨燒則臭諸螺之中此螺味最厚本草謂之甲  
香

**鈿螺** 光彩如鈿可飾簪背

**紫背** 紫色有斑點俗謂之研螺

**鸚鵡螺** 狀若鸚鵡堪作酒盃

**泥螺** 一名土鐵一名麥螺一名梅螺殼似螺而  
薄肉如蝸牛而短多涎有膏

按泥螺產四明鄞縣南田者為第一春三  
月初生極細如米殼軟味美至四月初旬

稍大至五月內大脂膏滿腹以梅雨中取者為梅螺可久藏酒浸一兩宿膏溢殼外瑩若水晶秋只取者肉硬膏少味不及春閩中者肉礪礪無脂膏不中食

**米螺**小粒似米肉可食

田螺 溪螺 黃螺 紅螺 蓼螺  
花螺 馬蹄 指甲 江梳 鴿螺  
竹螺 油螺 醋螺 蔞螺

**田螺**似黃螺而差小生水田中

**溪螺**似田螺差小而長

**黃螺**殼硬色黃味美其黑而微刺者尤佳

**紅螺**肉可為醬

**蓼螺**大如拇指有刺味辛如蓼

**梭尾**殼細而長文如雕鏤味佳

**馬蹄**形似故名

**指甲**以形似名之

**江梳**指甲之大者

**鴿螺**殼小而厚黑色土人端午用之

**花螺**圓而扁殼有斑點味勝黃螺



竹螺殼文麗而尾脆味清香

油螺形如花螺殼柔鹽之味美產興化補疏

醋螺出洪塘江去殼醃其肉味佳補疏

莎螺形如竹螺味微苦尾極脆補疏

按螺其種不一而肉多同惟殼異此外若石螺螺獅種種不能悉錄

### 龍虱

龍虱似螳螂而小黑色兩翅六足秋月暴風起從海上飛來落水田或池塘海濱人撈取油鹽

### 製藏珍之

按龍虱類水蟲但龍虱來自海外水蟲出自水中故以為異閩人言是龍身上虱或然耳外省人罕食

鮓丞本畷將入閩分陝使者曰狀海錯來吾徵閩越而通之丞入閩疏鱗介二百有奇以復且訓客問分陝使者今太常卿余公君房也丙申歲高溪三層閣上題

附錄

按非地所產而有者咸附錄之徵異品也  
後有見聞莫當聯絡屠本峻記

**海粉**

出廣南亦名綠菜

按海粉閩志云有物類墨魚者吐涎而成  
予往時聞閩人說即海參吐出絲也色有  
青黃不同者以海參食海中青藻故吐絲  
青食黃藻故吐絲黃閩中鄉先生陳大參  
文堂公云向時在廣南親見此物如竹蠶

而薄殼以足裹鞋揣之則吐絲絲盡而此物空洞只存殼矣二說不同要之目覩者爲直其味甚清可降痰火

### 燕窩出廣南

按燕窩相傳冬月燕子啣小魚入海島洞中壘高明歲春初燕棄窩去人往取之一說燕于冬月先啣鳥毛綢繆洞中次啣魚築室泥封戶牖伏氣于中氣結而成明春飛去人以是得之圓如椰子須刀去毛

片水洗淨可用閩部疏云燕窩菜竟不熟是何物漳海邊已有之蓋海燕所築啣之飛渡海中翮力倦則擲置海面浮之若杯身坐其中久之復啣以飛多爲海風吹泊山灣海人得之以貨大奇大奇海語載海鷲大如鳩春回巢於古巖危壁茸壘乃白海菜也島夷伺其秋去以脩竿執取而鬻之謂之海鷲窩隨舶至廣貴家宴品珍之其價翔矣峻按三說不同海語所載爲近

通鑑紀事本末卷一百一十五

通待彼都近海人質之而後信也



國家圖書館, NATIONAL CENTRAL LIBRARY, TAIWAN, R.O.C

